

# SPORAZUM O SARADNJI NA PREVENCIJI INSTITUCIONALIZACIJE I DEINSTITUCIONALIZACIJI OSOBA S INVALIDITETOM U KANTONU SARAJEVO



Bosna i Hercegovina  
Federacija Bosne i Hercegovine  
Kanton Sarajevo  
MINISTARSTVO ZA RAD, SOCIJALNU POLITIKU,  
RASELJENA LICA I IZBJEGLICE



Bosna i Hercegovina  
Federacija Bosne i Hercegovine  
Kanton Sarajevo  
JAVNA USTANOVA  
KANTONALNI CENTAR ZA SOCIJALNI RAD SARAJEVO



U S T A N O V A  
SUMERO CENTAR ZA PODRŠKU OSOBAMA  
S INVALIDITETOM U ZAJEDNICI

**SPORAZUM O SARADNJI**

Potpisan dana ...12.08.2020...

SARAJEVO, AVGUST 2020

1. **Ministarstvo za rad, socijalnu politiku, raseljena lica i izbjeglice Kantona Sarajevo** (u daljem tekstu: **Ministarstvo**), ulica Reisa Džemaludina Čauševića broj 1, 71000 Sarajevo, BiH, koje predstavlja **Agić Jasna**, ministrica za rad, socijalnu politiku, raseljena lica i izbjeglice Kantona Sarajevo
2. **Javna ustanova "Kantonalni centar za socijalni rad"** (u daljem tekstu: **Kantonalni centar**), ulica Gatačka broj 80, 71000 Sarajevo, kojeg predstavlja **Suljagić Samir**, direktor
3. **Ustanova "Sumero centar za podršku osobama s invaliditetom u zajednici"** (u daljem tekstu: **Ustanova Sumero**), ulica Rašida Bešlije br. 73, 71320 Vogošća, Sarajevo, koju predstavlja **Haverić Haris**, direktor

## **I. OPŠTE ODREDBE**

1. **Ministarstvo** vrši upravne i stručne poslove utvrđene Ustavom, zakonom i drugim propisima, koji se odnose na ostvarivanje nadležnosti Kantona u oblasti rada, socijalne politike, raseljenih lica i izbjeglica.
2. **Kantonalni centar** je ustanova socijalne zaštite čija nadležnost je definisana Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14- Prečišćeni tekst, 38/16, 44/17 i 28/18).
3. **Ustanova Sumero** je ustanova socijalne zaštite, čija je osnovna djelatnost: socijalno i zdravstveno zbrinjavanje, psihosocijalna rehabilitacija, osposobljavanje za samostalan život i rad prema preostalim sposobnostima i sklonostima, provođenje radnih i okupacionih aktivnosti odraslih osoba, usluge organiziranog provođenja slobodnog vremena, usluge drugih programa u lokalnoj sredini u cilju poboljšanja kvalitete života.
4. Sporazumne strane imaju zajednički interes da ostvare saradnju na prevenciji institucionalizacije i deinstitucionalizaciji osoba s invaliditetom u Kantonu Sarajevo, te ovim sporazumom utvrđuju svoja međusobna prava i obaveze.

## **II. PREDMET SPORAZUMA**

1. Sporazumom o saradnji regulišu se principi rada i način saradnje između potpisnica ovog sporazuma na realizaciji prevencije institucionalizacije i deinstitucionalizaciji osoba s invaliditetom, a koji za cilj ima i nastavak aktivnosti u vezi sa navedenim procesima, kada je u pitanju zbrinjavanje ovih osoba u Kantonu Sarajevo, imajući u vidu Politiku u oblasti invalidnosti BiH ("Službeni glasnik BiH", broj: 76/08), Strategiju za unapređenje prava i položaja osoba s invaliditetom u Federaciji Bosne i Hercegovine (2016.-2021.), Strategiju deinstitucionalizacije i transformacije ustanova socijalne zaštite u Federaciji Bosne i Hercegovine (2014-2020) i Akcioni plan za provedbu Strategije deinstitucionalizacije i transformacije ustanova socijalne zaštite u Federaciji Bosne i Hercegovine (2014-2020), a sve u cilju poboljšanja kvaliteta života i zaštite ljudskih prava osoba s invaliditetom, na

temelju UN Konvencije o pravima osoba s invaliditetom.<sup>1</sup>

2. Zajednička saradnja potpisnica Sporazuma na daljem razvoju i poboljšanju socijalnih usluga i podrške osobama s invaliditetom, a koja omogućava smještaj ovih osoba u stambene zajednice koje organizira Ustanova "Sumero", te njihovu uključenost u lokalnu zajednicu i ostvarivanje njihovih prava i sloboda.

**3. Potpisnici ovog sporazuma su saglasni da:**

- a) Preveniraju smještaj osoba s invaliditetom u ustanove socijalne zaštite i aktivno vrše deinstitucionalizaciju osoba s invaliditetom, za koje stručni timovi Kantonalnog centra, nadležnih općinskih službi socijalne zaštite, utvrde da je to u najboljem interesu za te osobe, o čemu donose mišljenje.
- b) Pruže organizovanu i stručnu podršku osobama s invaliditetom sa područja Kantona Sarajevo, koje imaju potrebu za deinstitucionalizacijom ili prevencijom institucionalizacije, i organizaciju smještaja u stambenim jedinicama sa najviše pet (5) osoba u svakom stanu ili osam (8) osoba maksimalno u većim stambenim jedinicama, a ne sa više od četiri (4) osobe po spratu, na području Kantona Sarajevo.
- c) Aktivno sarađuju na podizanju kapaciteta sporazumnih strana kroz edukacije, seminare, prenos znanja, studijske posjete, kampanje javnog zagovaranja i druge dostupne metode organizacionog i stručnog jačanja na polju razvoja savremenih socijalnih usluga u Kantonu Sarajevo.

**4. Radna grupa**

- a) Ministarstvo formira Radnu grupu sastavljenu od pet (5) članova i to ispred svake sporazumne strane minimalno jedan (1) član, a koji po struci trebaju biti: socijalni radnik, pravnik, psiholog, psihijatar, defektolog ili po potrebi drugo stručno, pomažuće i tehničko osoblje.
- b) Zadatak Radne grupe je kontinuirano praćenje provođenja ovog sporazuma.

**III. FINANSIJSKI ASPEKTI SPORAZUMA**

U finansijskom smislu implementacija ovog sporazuma podrazumijeva da:

- 1. Troškove smještaja u stambene zajednice Ustanove Sumero, shodno članu 45. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije Bosne i Hercegovine", br. 36/99, 54/04, 39/06, 14/09, 45/16 i 40/18) i Pravilniku o učešću u troškovima smještaja korisnika smještenih u ustanove

---

<sup>1</sup> Bosna i Hercegovina je ratificirala Konvenciju o pravima osoba s invaliditetom i Fakultativni protokol 12.03.2010. (bez rezervacija ili izjava). Za Bosnu i Hercegovinu Konvencija je stupila na snagu 11.04.2010.

socijalne zaštite i srodnika obaveznih na izdržavanje ("Službene novine Kantona Sarajevo", br. 22/13, 34/14 i 8/15) snosi smještena osoba, roditelj, usvojitelj, staratelj ili srodnik koji je, saglasno zakonu, u obavezi da izdržava tu osobu, odnosno pravna ili fizička osoba koja je preuzela obavezu plaćanja troškova.

2. Za vrijeme trajanja realizacije Sporazuma, Ustanova Sumero će obezbijediti sredstva za nesmetan rad Službe podrške stanovanja u lokalnoj zajednici za osobe s invaliditetom iz vlastitih samoodrživih resursa i sredstava donatora.

#### **IV. PRAVA I OBAVEZE SPORAZUMNIH STRANA**

1. **Ministarstvo** je saglasno da u skladu sa svojim zakonskim ovlaštenjima i mogućnostima, pruža podršku u realizaciji ovog Sporazuma, u vidu:

- a) Praćenja efekata Sporazuma na finansijska izdvajanja za smještaj korisnika sa područja Kantona Sarajevo u ustanove socijalne zaštite.
- b) Putem predstavnika aktivno učestvuje u radu Radne grupe.

2. **Kantonalni centar** je saglasan da:

- a) U skladu sa važećim zakonskim i podzakonskim aktima koji definišu nadležnost i djelatnost, Kantonalni centar prevenira smještaj osoba s invaliditetom u institucije, te provodi postupke deinstitucionalizacije osoba s invaliditetom za koje Kantonalni centar, odnosno nadležne službe socijalne zaštite općina odluču u zakonom provedenom postupku na osnovu mišljenja njihovih stručnih timova da je to u najboljem interesu te osobe.

- b) Putem predstavnika aktivno učestvuje u radu Radne grupe.

- c) Stavi na raspolaganje potpisnicima Sporazuma podatke o osobama s invaliditetom smještenim u ustanove i drugu raspoloživu relevantnu dokumentaciju koja se isključivo odnosi na predmet procjene i potrebu realizacije smještaja u stambene zajednice Ustanove Sumero, kao i relevantne podatke za osobe koje su potencijalni korisnici smještaja u ustanovama socijalne zaštite sa istom svrhom, a pri tome poštujući Zakon o zaštiti ličnih podataka BiH.

- d) Vršu monitoring nad pružanjem usluge smještaja u stambene zajednice u lokalnoj zajednici za osobe s invaliditetom. Radi brige, zaštite, liječenja fizičkog ili mentalnog zdravlja osobe smještene u stambenu jedinicu u lokalnoj zajednici, Kantonalni centar će pratiti njen tretman u Ustanovi Sumero.

3. **Ustanova Sumero** je saglasna da:

- a) Osigura adekvatne uslove smještaja u lokalnoj zajednici u skladu sa važećim podzakonskim aktima (Pravilnik o standardima za rad i pružanje usluga u ustanovama socijalne zaštite u

Federaciji Bosne i Hercegovine ("Službene novine Federacije Bosne i Hercegovine" br. 15/13 i 44/16) i Pravilnik o općim i posebnim uslovima za osnivanje ustanova socijalne zaštite ("Službene novine Kantona Sarajevo" br. 24/10, 46/15 i 9/16)).

- b) Osigura finansiranje svih troškova obuke osoblja koje će biti dio servisa podrške Ustanove Sumero u lokalnim zajednicama u Kantonu Sarajevo, uz podršku svojih domaćih i međunarodnih donatora.
  - c) Putem predstavnika aktivno učestvuje u radu Radne grupe.
4. Potpisnici Sporazuma su saglasni da će u cilju izvršenja obaveza predviđenih ovim sporazumom postupati u skladu s međunarodnim dokumentima, kao i domaćim zakonskim i podzakonskim aktima.

## **V. OBAVIJESTI**

1. Sve obavijesti koje se dostavljaju u vezi sa ovim sporazumom moraju biti u pismenom obliku, preporučenom poštom dostavljene na adrese primatelja navedene u ovom sporazumu ili na druge adrese koje primatelji odrede. Obavijest se može dostaviti i putem faksa ili e-mail-a.
2. Sve obavijesti i druga komunikacija između sporazumnih strana se dostavlja na sljedeće adrese:

Ministarstvo: Ministarstvo za rad, socijalnu politiku, raseljena lica i izbjeglice Kantona Sarajevo  
Adresa: Reisa Džemaludina Čauševića br. 1, 71000 Sarajevo

Kantonalni centar: Javna ustanova "Kantonalni centar za socijalni rad"  
Adresa: Gatačka br. 80, 71000 Sarajevo

Ustanova „Sumero centar za podršku osobama s invaliditetom u zajednici“  
Adresa: Rašida Bešlije 73, 71 320 Vogošća, Sarajevo

## **VI. VREMENSKI OKVIR**

1. Sporazumne strane su se dogovorile da je vremenski okvir ovog Sporazuma pet (5) godina sa mogućnošću produženja trajanja istog, što zavisi od volje sporazumnih strana.

## **VII. ZAVRŠNE ODREDBE**

1. Izmjene i dopune ovog sporazuma donose se u pisanom obliku, a bit će potpisane od predstavnika sporazumnih strana.
2. Ovaj sporazum je sačinjen u skladu sa pozitivno-pravnim propisima i međunarodnim dokumentima, koji su na snazi u Bosni i Hercegovini i Federaciji Bosne i Hercegovine u vrijeme zaključivanja istog.

3. U slučaju izmjene pozitivno-pravnih propisa ili međunarodnih dokumenata, koji su na snazi u Bosni i Hercegovini i Federaciji Bosne i Hercegovine u vrijeme zaključivanja istog, odredbe Sporazuma će se mijenjati shodno predmetnim izmjenama. Dakle, u slučaju da bilo koja odredba Sporazuma naknadno postane nevažeća ili neprovodiva u skladu sa važećim zakonom, potpisnici ovog sporazuma će u najkraćem mogućem roku izvršiti izmjene i dopune Sporazuma.
4. Sporazumne strane su saglasne da će sve eventualne sporove proistekle iz ovog sporazuma rješavati sporazumno u duhu dobrih odnosa i u zajedničkom interesu.
5. Sporazum stupa na snagu danom potpisivanja od tri sporazumne strane, a primjenjuje se počev od 15.07.2020. godine.
6. Ovaj sporazum potpisan je u šest (6) identičnih primjeraka, od kojih svaka sporazumna strana zadržava po dva (2) primjerka.

**Ministarstvo za rad, socijalnu politiku,  
raseljena lica i izbjeglice Kantona Sarajevo**

\_\_\_\_\_ **MP**  
**Agić Jasna, ministrica**

Broj: 13-03-31-32174/20

**Javna ustanova „Kantonalni centar za socijalni rad“**

\_\_\_\_\_ **MP**  
**Suljagić Samir, direktor**

Broj: 35/X-11-071-1205/20

**Ustanova „Sumero centar  
za podršku osobama s invaliditetom  
u zajednici“**

\_\_\_\_\_ **MP**  
**Haverić Haris, direktor**

Broj: 590-4-20